

Ս Վ Ա Ս Տ Ի Կ Ա

(Swastica)

Ա ԱՅԵԿԵԱՆԻ

Տարբեր ձևի խաչեր:—Երկու կողմից կազմուած պարզ խաչը պատկանում է նախապատմական ժամանակներին: Նորա երևումը աշխարհի երեսին կորած է հնութեան մէջ: Պատմականօրէն նորա ծագումը վերագրել կարելի չէ ոչ մի դարաշրջանի, ոչ մի երկրի, ոչ էլ մի ժողովրդի: Զեն ինքնին այնքան հասարակ է, որ կարող էր ունենալ իւր սկիզբը ինչ ժողովրդի մէջ էլ ասես, որքան և նախնական լինէր սա, և ամէն ժամանակում, որքան և հեռաւոր:

Իբրև խորհրդանիշ (symbol) կամ զարդ (ornament), խաչը միատեսակ չէ. ուրիշ է լատինականը, ուրիշ՝ յունականը, ուրիշ ուրիշ են և միւսներինը: Նա բաժանւում է մի քանի դասի, մինչև իսկ, բաղադրուելով կնքանշանների (heraldry) հետ, հասնում է մի քանի հարիւր ձևերի:

Յունական խաչն, որ հաւասար թևեր ունի և ուղիղ անկիւններ, գտնուած է Ասորեստանեան և Պարսկական յիշատակարանների, սալերի, Յունական դրամների և արձանների վրայ:

Ս. Անդրէասի կոչուած խաչը նոյն Յունականն է, միայն թէ հանգչում է երկու սրունների վրայ:

Ունկաւոր խաչը, Եգիպտական դիցաբանութեան համաձայն, ներկայացնում էր Անք-ը, Քա-ի նշանակը (emblem), մարդու կրկնեակը (spiritual double of man), Դա նոյնպէս Օսիրիսի Իսիսի հետ զուգաւորութեան նշանն էր, և նկատուած էր որպէս խորհրդանիշ բնութեան սերական (generative) սկզբունքին:

Թաու խաչը, Յունական T գրին նման լինելու պատճառով այդպէս կոչուած, անստոյգ, թէև հին, ծագումից է: Սկանդինաւեան դիցաբանութեան մէջ նա Թոր-եան մուրճ (Thor'shammer) անունն է կրում: Նա կոչուած է նաև Ս. Անտոնի խաչ, Եգիպտացի Անտոն անապատականի անունով, և կապոյտ գոյնով էր ներկւում: Կլարկսոնի ասելով այդ խաչը դրոշմում էր Միթրակեանների (Mithracists) ճակատին՝ գաղտնիքներին հաղորդակից ընդու-

նուեղիս: C. W. King-ն էլ այն կարծիքն է յայտնում, թէ Քառ խաչը դրոշմում էին այն մարդկանց ճակատին, որոնք կոծ էին անում իրենց մէջ գործուած անօրէնութիւնների վրայ (Եղեկիէլ թ. 4. Անց ընդ մէջ քաղաքիդ Երուսաղէմի, և դիր նշան ի ճակատ արանցդ որ հեծեն և յոգոց հանեն ի վերայ անօրէնութեանցն գործելոց ի մէջ դոցա): Նա համարուած է նաև առականքի (phallos) նշանակը:

Յաչի մի ուրիշ տեսակն էլ երևացել է երկրորդ դարում, բաղկացած ս. Անդրէասի խաչից և յունական P (po) տառից: Այդ երկու նշաններն էլ յունական Քրիստոս բառի սկզբնատառերն են և այդ անուան փակագիրն (monogram) են կազմում:

Մալթայական խաչը, Մալթայեան զինուորական կարգի կամ ասպետների նշանն է համարւում: Նորա ծագումը միջնադարեան է:



Կելտական խաչը երկու ձևով է ներկայանում: Դոքա գլխաւորապէս Իռլանդային և Սկոտլանդիին են պատկանում, և սոփորաբար քարէ խաչեր են և յաճախ կանգնուած են լինում շուկաների վրայ ճանապարհադիւններին:

Higgins-ը խաչի ծագման մասին ասում է, թէ Քրիստի կառավարչի պաշտօնական անուշը, Լամա, խաչին յատուկ հին Քրիստական բառից է յառաջ դալիս, որի նախնական հեգումը լ-ա-մ-հ էր:

Իբրև կատարման գործիք (մահագործիք), խաչը, բացի երկու իրար կտրող և չորս թև արձակող ձողերից կազմուած լինելուց, ունէր յաճախ և այլ ձևի կազմուածք, ի միջի այլոց, օրինակ Y դա, որի վրայ դատապարտւած անձը կախւում էր գլխիվայր, ոտները վերի երկու ճիւղերի վրայ դառնում:

Սվաստիկա.—Յաչի քաղմաթիւ

կերպերից ամենահինը Սվաստիկան է: Սա տարբերւում է յունական խաչից նրանով՝ որ թևերի չորսի էլ ծայրերը ծուռւմ են, ուղիղ անկիւնով, դէպի աջ կամ դէպի ձախ: Թևերը լղէպի աջ կամ դէպի ձախ ծուռող ձևերին Մաքս Միլլէրը տարբեր նշանակու-



թիւն է տալիս: Դէպի աջ ծռուածները նա համարում է իսկական Սվաստիկա, իսկ ձախ ծռուածներին նա տալիս է Սուաստիկա անունը: Բայց նա չէ կարողացել նոցա այդպէս անունով տարբերելու հաւանական պատճառաբանութիւնը տալ, բացի Բիւրնու-Ֆից՝ որ համարում է դէպի աջ ծռուածը արականի նշանակ, իսկ դէպի ձախը՝ իգականի (նկ. 3):

Բացի վերոնշանակեալ պարզ ձևերից՝ Սվաստիկան ունի նաև շատ բազմակերպութիւն. կայ՝ որի ծայրերը մի քանի անգամ են փոփոխուել ուղիղ անկիւնով, կայ՝ որ միջահաստութեան անկիւններում և կամ ծայրերի շուրջը կէտեր ունի. կայ՝ որ կռածագ է կամ կորածայր—միողոր կամ բազմողոր—կայ՝ որ եռանկանկ է, կամ եռոտնեայ, կայ և բազմանկ. կան էլ՝ որոնք սիրտ տեղում շրջանակ կամ սկաւառակ ունեն: Այդ բոլոր կորածայր ու ճանկաւոր և դալարուն ձևերը, թէև խոտորմունք են Սվաստիկայի բնագիծ ձևից, Սվաստիկային են վերաբերում:

Այլ և այլ անուններ է ունեցել Սվաստիկան այլ և այլ երկրներում, իսկ վերջին տարիներում համարեա ամէն տեղ սանսկրիտական հին անունն է առել՝ Սվաստիկա:

Լիտուրէն իւր ֆրանսերէն բառադրքում ստուգաբանօրէն հետևեալն է գրում:

Սուաստիկա կամ Սվաստիկա հնդկական աղանդների մօտ մի խորհրդաւոր ձևակերպութիւն էր: Բրահմինները, որպէս նաև Բուդդայականները, լաւ էին ճանաչում այն: Արեւմտեան Հնդկաստանում Բուդդայականների քարանձաւների վէմերի վրայ արձանագրութիւնները իրենց սկզբում կամ վերջում կրում են այդ սուրբ կամ նուիրական նշանը: Դա նոյնպէս տեսնուում է Հնդկաստան (Կիպրոս) և Ետրուրական կաւեղէնների վրայ:

Ստուգաբանութիւնը.—Մանսկրիտական մի բառ է՝ նշանակելով երջանկութիւն, հեշտանք, բարեբախտութիւն: Բաղկացած է Սու (su) և աստի (asti) բառերից: Սու նշանակում է լաւ. աստի՝ նշանակում է լաւ լինել (goodbeing, այսինքն բարեկեցութիւն, բախտաւորութիւն, երջանիկ վիճակ):

Դիւմուտիէն (Dumoutier) Սվաստիկան վերլուծում է այսպէս.

Սու, արմատ. նշանակում է բարի, լաւ, պատուական, կամ սովորդաս (suvidas), բարգաւաճում:

Աստի, երրորդ դէմք, եզակի, սահմանական ներկայ աս (as), լինել, բայի:

Կայ, յետագաս մասնիկ է, գոյականացուցիչ:

Պրօֆէսոր Ուիտնէյ (Whitney) ասում է. Սվաստիկա—Մանս-

կրիտերէն, բառացի, բարեբախտ: Սուստի (Սու, լաւ, տալի, լինել), բարեբաստութիւն:

Մաքս Միլլէրն ասում է. Ազգաբանօրէն, սուստիկա ծագում է սուստի-ից, իսկ սուստի՝ սու-ից; լաւ, և աս-ից, լի-նելն: Սուստի յաճախ պատահում է Վէդայում՝ թէ որպէս գոյական, երջանկութիւն իմաստով, և թէ որպէս մակրայ լաւ կամ «ողջ»: Սվաստի-կա ամենցումը աւելի ուշ թուականի բան է և նշանակում է միշտ մի բարեգուշակ նշան, որպիսիները՝ շատ յաճախ դանուած են Բուդդայականների և Զախնաների մէջ:

Նախընթաց բոլոր բացատրութիւնները վերաբերում են ներկայումս ընդունուած Սվաստիկա անուան: Իրան տրուած անունից շատ առաջ է գոյութիւն ունեցել Սվաստիկա նշանը: Նա գոյութեան մէջ է եղել Բուդդայական կրօնից և սանսկրիտ լեզուից էլ շատ առաջ:

Յունական, լատինական թառ խաչերը եգիպտական մեհենազորութիւնների մէջ ներկայացած են կռանի կամ մուրճի ձևով փլցնելու, մանրելու, կամ խփելու զաղափարը տալով. և այդ համաձայնքով էլ նկատուած են որպէս զործի արդարութեան և պատուհասիչ փեսայի, ուստի և կերպացնում էին չորուստի և միւս աստուածներին: Նոյնպիսի խորհրդանշի իմաստներ ունէին խաչերն Արեւելքի հին դասական երկիրներում:

Խորհրդաւոր նշանակութիւն և մկնութիւն:—Շատ տեսութիւններ եղած են Սվաստիկայի խորհրդանշի լինելու մասին, թէ նորա վերաբերութիւնը հինաւուրց աստուածութիւններին, և թէ լինէ և ինչ յատկութիւններ է ներկայացնում նա: Գրողներից ոմանք համարում են որ նա առանձին առանձին նշանակ (emblem) է եղել Զախ, Բահալի, արևի, արև-աստուածի, հուր-աստուած Ագնիի, արևակաղքի, անձրև-աստուած Ինդրայի, երկնքի, երկինք-աստուածի, և վերջապէս աստուածութիւնների աստուածութեան, Մեծ Աստուծոյ, Տիեզերքի Աբարչի և Բարեկարգչի: Նա նոյնպէս ընդունուած է եղել խորհրդանշը լինել լոյսի կամ լոյսի աստուածի, զալարծուն փայլատակի, ջրի: Մի քանիսը կարծում են, որ նա հին Արիական խորհրդանշն է եղած լինի: Ուրիշների կարծիքով նա ներկայացնում է Բրահման, Վիշնուն, և Սիվան, Ստեղծողը, Պահպանողը, Նշողը: Նա երևում է Բուդդայի ոտնակնիքների վրայ, Հնդկաստանի լեռների կարծր վեմերի երեսին քանդակուած: Նա կերպացնում էր լատինների Որոտահան և Թօնընկէց Արամազդին (Ռուպիտէր), և Սկանդինաւիացիների Թորին: Այս վերջին դէպքում նա նկատուած է եղել—սակայն սխալմամբ—Թորամուրճի (Thor hammer) մի տեսակը: Վերջապէս մի հեղի-

նակի կարծիքով նա մերձաւոր յարաբերութիւն ունէր Եղիպտոսի և Պարսկաստանի Լուսօս նշանի հետ: Հեղինակներից ոմանք սերանդամի (առականք) իմաստ են յատկացրել նորան, և այլք՝ թէ նա մարդկութեան սերական սկզբունքն էր ներկայացնում, և էգի խորհրդանիշն էր: Նորա երևան գալը աստուածունիներից մի քանիսի անձի վրայ, որպէս Արտեմիսի, Հերայի, Դեմէտրէի, Աստարտէի, և Հիսարլիկի բլրի վրայ գտնուած կապարեայ աստուածունու՝ Քալդէական Նանայի (սորա արգանդը ծածկող եռանկիւնի վահանի վրայ), պատճառ է տուել համարել այն որպէս նշան բեղմնաւորութեան:

Նախայիշատակեալ տեսական դիտողութիւնները ծրարուած են խաւարով և առարկայի հնութեան մէջ կորած: Այն, որ թւում է Սվաստիկայի ամէն ժամանակի ստորոգելիքը (յատկութիւնը) եղած լինել, դա նորա իբրև յուսութք (charm) կամ հմայք (amulet) լինելու հանգամանքն է, նշան շնորհքի, օրհնութեան, երկար կեանքի, բարի բախտի, բարի աջողութեան, երջանկութեան, բարգաւաճման, չար աչքից պահպանելու ևայլն: Այդ հանգամանքը պահպանուել է և՛ նորագոյն ժամանակներում, և Սվաստիկան, մինչդեռ Բուդդայական մի ազանդի կողմից ճանաչուած է եղել որպէս մի սուրբ և նուիրական խորհրդանիշ, Հնդկաստանի, Չինաստանի և Մալոնիայի հասարակ ժողովրդից գործ է ածուել մշտապէս որպէս նշան երկար կեանքի, բարի իղձերի և բարի բախտի:

Նւ սակայն, ուրիշ ինչ կերպ էլ ներկայացած լինէր Սվաստիկայի նշանը, և որքան էլ շատ ու շատ իմաստներ ներկայացնէր, նա ամէն ժամանակ եղել է մի զարդի ձև: Նա կարող էր վերևի մի քանի կամ բոլոր նշանակութիւններովը գործ ածուած լինել, սակայն նա մշտապէս եղել է մի զարդական ձև:

Սվաստիկա նշանը մեծ ծաւալ է ունեցել և գործնականօրէն սփռուած է եղել երկրագնդի երեսին, եթէ ոչ ամբողջի՝ զէթ ընդարձակ մասի վրայ, նախապատմական ժամանակներում, թէպէտ նորա կիրարկութիւնը մի քանի երկրների մէջ շարունակուել է նորագոյն ժամանակներում ևս:

Սվաստիկայի նախնական ձևը.—Ռ. Բրինտօնը նկատում է. Սվաստիկան աւելի խաչից է յառած եկած քան շրջանակից, և հեղինակն ընդունում է այդ հաւանական, թէպէտև անկարելի է ապացուցանելն այս կամ այն:

Հեղինակներից շատերը, ի միջի այլոց ԴԱՎԻԷԼԼԱՆ, Գրեգը և Թալմասը ծանուցել են Սվաստիկայի ձևափոխական զարգացումը, սկսելով եռաթևից (Triskelion), անցնելով քառաթևին (Tetraskelon) և ապա Սվաստիկային: Սակայն մի թեթև քննու-

թիւն հերիք է այդ վարկածը շրջելու համար: Նախ և առաջ եռաթեկանը, որ այդ վարկածի հիմքն է, իւր առաջին երևոյթն արել է լիկիական դրամների վրայ, իսկ այդ երևումը դրամահատութեան առաջին կոչուած դարաշրջանումն էր, այսինքն ընդմէջ 700 և 480 Ք. Ա., և դեռ կայութիւն չէր ստացել մինչև երկրորդ և նոյն իսկ երրորդ դարաշրջանը, 280-ից 240-ը Ք. Ա., երբ նա անցաւ Սիկիլիա: Մինչդեռ Սվաստիկան արդէն երևացել էր Հայաստանում, Հիւսարիկի բլրի վրայ, հիւսիսային Իտալիայի Terramar-ների և հարաւային Իտալիայի սափորների վրայ հարիւրաւոր, մինչև իսկ կարելի է հազարաւոր կամ աւելի տարիներ առաջ քան այդ ժամանակը: ԴԱՎԻԷԼԱ կոմսը նորան տեղ է տալիս տասնէջրորորդ կամ տասնեւերեքերորդ դարի ժամանակաշրջանում Ք. Ա., դեռ մի անծանօթ անսահման անցեալ էլ այն կողմը: Անկարելի է որ 480-ին Ք. Ա. առաջին անգամ երևեցած մի խորհրդանիշ նախածնողն եղած լինի մի ուրիշի՝ որ երևացել է 1400 կամ 1300-ից Ք. Ա., ասել է նորանից իբրև հազար տարի առաջ:

Ծագումն ու տեղը.—Նախապատմական ժամանակի հնախոյզները գտել են Եւրոպայում շատ նմոյշներ զարդական արձանագործութեան և քանդակների, Հնաքարեան-դարին պատկանող, բայց խաչը Սվաստիկայ կամ այլ որևէ ձևով չէ յայտնուել: Նորաքարեան-դարում էլ, որ տարածուած է եղել համարեա ամբողջ աշխարհի երեսին զարդարչութեան բազմաթիւ երկրաչափական ձեւերով, խաչի ոչ մի ձև երևում չէ խոր հնութեան մէջ որպէս խորհրդանիշ կամ ցուցիչ որևէ ուրիշ բանի, բացի զարդական դիտումից: Բրոնզէ դարում, սակայն, Սվաստիկան յայտնուում է դիտաւորութեամբ գործածուած թէ որպէս խորհրդանիշ և թէ որպէս զարդ: Արդեօք արևելքում էր իւր առաջին երևումը և այնտեղից իւր ծաւալումը նախապատմական Եւրոպայի մէջ, թէ դորա հակառակն էր ճշմարիտը, այժմ ստուգութեամբ որոշել կարելի չէ: Ոմանց կարծիքով դա պարտուրուած է այն միւս շերտութեամբ պայքարուած ու շատ վիճուած խնդրի մէջ՝ որ վերաբերում է Արիական ժողովուրդների ծագման տեղին և սփռուելու եղանակին ու ճանապարհներին: Հաւանականութիւն կայ ցոյց տալու, որ դա պատկանում է մի աւելինախնազոյն ժամանակաշրջանի և կապ ունի նոյնանման լուծելու խնդրի հետ, որ վերաբերում է բրոնզի ծագման տեղին և տարածուելու եղանակին ու ճանապարհներին: Արևելեան Ասիայում էր բրոնզի գիւտը և նրա զաղթականութիւնը դէպի արևմտակողմ՝ Եւրոպայի մէջ, թէ՛ նա գտնուած էր Միջերկրականում և այնտեղից էլ իւր տարածումը: Սվաստիկան տարածուեց այն միևնոյն դաւանների միջով, որոնցով տարածուել

էր բրոնզն էլ, և ամենայն հիմք կայ կարծելու թէ նոքա յառաջ են խաղացել համաժամանակ—արդեօք իրենց ծագման սկզբում թէ ուշ, անորոշ է:

Սվաստիկայի առաջին երևումը հաւանական է թէ Արևելքում էր, յատկապէս որ երկրում անկարելի է ասելը, բայց հաւանորէն կենդրոնական և հարաւ-արեւելեան Ասիայում Բրահմինների և Բուդդայականների նախորդների կամ յառաջընթացների մէջ: Յամենայն դէպս մի կրօնական և խորհրդանշական նշանակութիւն յատկացուած էր նորան այդ տեղերի նախնապէս ծանօթ ժողովուրդների կողմից:




Բոլոր վերոգրեալը Սվաստիկայի մասին մենք քաղուածօրէն յառաջ բերինք Միացեալ Պետութիւնների Ազգային Թանգարանի Նախապատմական Մարդաբանութեան Բաժնի խնամատար (վերատեսուչ) Թովմաս Վիլսօնի ընդարձակ և անչափ հետաքրքրելի տեղեկագրութիւնից, մատուցուած 1894-ին «Միթիթսօնիան Հիմնարկութիւն» կոչուած Ամերիկեան Հնկերութեան Ազգային Թանգարանի Վարչութեանը:

Այդ վերին աստիճանի շահագրգիռ ուսումնասիրական գործը ունի 255 էջ միջակ մեծութեան դիրքով, հարուստ 374 պատկերներով կամ ձևերով և 25 հատ պատկերացոյց գեղեցիկ տախտակներով,—ամենամաքուր գործ արուեստի,—որոնք ներկայացնում են պատկերներ արձանների, արձանագրութիւնների, բազմատեսակ անօթների, գործուածքների և գործիական առարկաների, որոնց վրայ այս ու այն ձևի տակ երևում է Սվաստիկա նշանը:

Շահաւէտ ենք համարում մի քանի բան էլ հատուածօրէն մէջ բերել պ. Վիլսօնի աշխատութիւնից Սվաստիկայի խորհրդաւոր նշանակութեան մասին ազգերի մէջ (մի քանիսը միայն կը յիշատակենք) և թէ ինչ իմաստով է կիրարկել այդ նշանը ժողովուրդներից սա կամ նա:

Հնդկաստան.—Պ. Գունդհի, Հնդկաստանցի, Բօմբէյ քաղաքից, Զաինների (Jains) փիլիսոփայական վարդապետութեան աշակերտը հետեւալ կերպով է բացատրում Սվաստիկայի նշանակութիւնը.

«Սվաստիկան սխալ է մեկնաբանուած մեր հին Զային փիլիսոփայութեան Արեւմտեան կոչուած մեկնիչներից: Սկզբումը աւելի բարձր գաղափար ունէին, բայց վերջերումս ուռնք մտածեցին թէ խաչը ներկայացնում էր միայն արական և իգական սկզբունքների բաղկացութիւնը: Մինչդեռ մենք ֆիզիկական մակարդակի վրայ ենք և մեր հակումները դէպի նիւթի կողմը, մենք այն հարկաւոր ենք մտածում միացնելու այդ երկու սկզբունքները



Свастика

Սվաստիկա.

Svastika.

(սեռական) մեր ոգիապէս անմահ համար: Աւելի բարձր մակարդակի վրայ հոգին անսեռ է, և նոքա՝ որոնք իղձ ունին աւելի բարձր վերանալ ֆիզիկական մակարդակից՝ պարտաւոր են ջնջել սեռի գաղափարը:

Եւ Զային Սվաստիկան կը բացատրեմ հետեւալ պատկերացումով. հորիզոնական և ուղղահայեաց գծերը, որոնք խաձեւ կտրում են իրար ուղիղ անկիւններով, կազմում են Յունական խաչը: Դոքա ներկայացնում են ոգին և նիւթը: Մենք աւելացնում ենք էլի ուրիշ չորս գիծ՝ ծռելով դէպի աջ խաչի իւրաքանչիւր թիւը, ապա երեք գունդ և մահիկ-եղջիւրը, և մի գունդ էլ մահիկի մէջ: Այդպիսի խորհրդաւորուած գաղափարը այն է՝ թէ նիւթական տիեզերքում հոգիների գոյութիւնը չորս աստիճան ունի: Առաջինը ամենատորին վիճակն է—նախնական (archaic) կամ նախակերպական կամ կերպագործողական (protoplasmic) կեանք: Հոգին բարեջրջւում է այդ վիճակից դէպի յաջորդը—երկիրը իւր ըոյսերով ու կենդանական կեանքով:



Ապա հետեւում է երրորդ վիճակը—մարդկայինը. յետոյ չորրորդ կարգը—երկնայինը: Երկնային բառը այստեղ առնուած է իմացնելու համար կեանք ուրիշ աշխարհներում՝ մերինից դուրս: Այդ բոլոր աստիճանաւորումները նիւթի և հոգու միակցութիւններ (բաղկացութիւններ) են տարբեր սանդուղների վրայ: Հոգեկան մակարդակը այն է, որում հոգին լրիւ ազատ է նիւթի կապանքներից: Այդ մակարդակին համանշու վախճանով, պարտ է ջանալ ձեռք բերել 3 գոհարներ՝ ուղիղ հաւատ, ուղիղ գիտութիւն, ուղիղ վարք: Երբ մէկն ունի այդ երեքը, նա անշուշտ ուղղւում է աւելի բարձր գնալ մինչև հասնի ազատութեան վիճակին, որի պատկերացումն է մահիկ-եղջիւրը: Մահիկը նորածին լուսինն է ներկայացնում, որ երթալով աճում է: Մահիկի ծոցի գունդը հոգու ամենագէտ վիճակն է ներկայացնում, երբ նա ժամանել է կատարեալ գիտակցութեան, ազատուել է, և ապրում է նիւթից մեկուտի:

Այդ մեկնութիւնը, համաձայն՝ խաչի մասին՝ Զային տեսութեանը, աղերս չունի արական և իգական սկզբունքի բաղկացութեան հետ: Արական և իգական սկզբունքների պաշտամունքը, սեռի վրայ խարսխուած գաղափարներ, աւելի ստորե քան նոյն իսկ յուզական մակարդակը, երբեք կարող չէ վերանալ աւելի բարձր քան արուն և էգը:

Զայինները Սվաստիկա նշանն անում են երբ մենք մտնում ենք մեր պաշտամունքի տաճարը: Այդ նշանը մեզ մտաբերել է տալիս երեք գոհարների ներկայացրած մեծ սկզբունքները, որոն-


ցով մենք հասնելու ենք վախճանական բարուն: Այդ խորհրդանիշները խտացնում են մեր մտածութիւնը և աւելի տեւական անում:

Հայաստան.—Պ. Յ. Դը Մօրզանը (Կահիրէի Ջիզէն թանգարանի վարիչը), Ֆրանսիական կառավարութեան կարգադրութեամբ պեղումներ և ուսումնասիրութիւններ արաւ Ռուսական Հայաստանի նախապատմական հնութիւնների և հնախօսութեան շուրջը: Իւր զեկուցումը վերնագրուած է «Նախնական մետաղեայ դարը Ռուս-Հայաստանում»: Նա պեղեց նախապատմական գերեզմանների մի թիւ, և գտաւ նոցա մէջ գօտիների, անօթիների և մետալիօնների վրայ քանդակուած այլևայլ ձևի խաչեր: Սվաստիկան, թէպէտ կար, շատ սակաւ էր: Նա այն գտաւ անագազընձեայ (bronze) երկու լայնալիւսանի կրծանեղների (պտակ. 4 և 5) և մի խեցեգործական կտորի վրայ (պտակ. 6) նախապատմական դամբարանների մէջ, Կորածայր խաչաթիւերը բոլորն էլ դէպի ձախ են ծռուած և համարուելու են պրօֆ. Մաքս Միւլլէրի Սուսականի:



Կովկաս.—Պ. Է. Շանտրը գտաւ Սվաստիկան Կովկասում շատ մաքուր ձևի տակ: 7 պտկ-ը ներկայացնում է այդ երկրի անագազընձեայ մի դրուագի (plaque, доска) մասունքը, գործածուած՝ մի գօտու կամ կամարի վրայ: Մի ուրիշը թեթեւ ինչ տարբեր ոճով, բայց քառակուսի խաչով թեւերը ուղղանկիւն դէպի աջ դարձած, նշանակուած է նորա (Շանտրի) 8-դ տախտակի վրայ, պտկ. 5. (Մեր պտկ. 7). դրքա պատկանում են երկաթեայ առաջին դարին, և աւելի բաղահիւս արուեստով են: Այդ ոճը ներկայացնում էր որպէս կենդանիներ, այնպէս և երկրաչափական բոլոր ձևերը, խաչեր, բոլորակներ—համակեղրոն և այլապէս,—պարուրածներ (spirals), օձաձեւեր (Meanders), սագաձեւ (chevrons), ձկնոսկրաձեւ կամ տառեխափուշ (herring bone), շեղան-

կիւններ (losanges): Գոցանից կան որ զոգաւորուած են մետաղի մէջ, կան որ զոգուուցիկ են, կան էլ փորագրուածներ (խորաքանդակ): պատահում էլ է այդ կերպերը միասին զործ դրուած: Տպակ-ը ցոյց է տալիս մի ուրիշ ձև, յաճախ զործածուած՝ և ենթադրել է տալիս որպէս մի կարելի փոխաշրջութիւն (evolution) Սվաստիկայի, նոյն տեղական հանգամանքներով և նոյն պղնձատախտակից:



Գ. Յրէդերիկ Ռէ-մինգտօնը, համբաւաւոր արուեստագէտ և մատենագիր, մի յօդուած ունի, «Պարծենկոտ Կովապանը Յլորի-դայում», ուր նա ճառում է այդ երկրում պաճարի համար խորանների դարբնոցի մասին: Նորա իսկական խորաններից մէկը մի բոլորակ է՝ միջովայրում մի փոքրիկ

խաչ: Նորա դարբնութիւնը կայանում է խաչի իւրաքանչիւր թևը երկայնացնելում և մի գլանի միջոցով ծայրը կորացնելում, ձևւացնելով մի կոնաձև Սվաստիկա՝ որը, բաւական հետաքրքրական, իրապէս միևնոյնն է՝ որ Չէրքէզները զործ են դնում իրենց ձիերի վրայ: Մաքս Օհնէֆալը Բիխտէրն ասում է թէ Աթարվա-Վէդայում պղնձեայ զործիքներն են յանձնարարուած շինելու համար Սվաստիկան. և այդպէս նա աշխատում է բացատրել այդ խորանակների կիրարկութիւնը Հնդկաստանում կովերի վրայ և Չէրքէզիայում ձիերի վրայ: Ասում էր թէ նոյնը զործ է անուել նաև Արաբիայում:

Ըմերիկա.—Խաչի նշանակութեան մասին, Հիւսիսային Ամերիկայի Հնդիկների մէջ, Կոմս դ'Ալփիէլլան ասում է.—Անվիճելի է որ նախա-Կոլումբոսեան Ամերիկայի խաչը մի «Հողմավարդ» էր (rose des vents), ներկայացնելով չորս կողմերը, որոնցից զալիս է անձրևը, կամ թէ նա ցոյց է տալիս կողմնացոյցի գլխաւոր կէտերը....

Գնդապետ Մալլերին (Mallery) ցոյց է տալիս թէ նա էլի ուրիշ շատ բան է նշանակում.—

«2րդ նորմերը.—Գնդապետ Մալլերիի գտած խաչը Յունա-

կան ձևի խաչն է, Հիւսիսային Ամերիկայի բնակարարները մէջ շատ սովորական, թերևս ամենապարզը լինելու պատճառով, Դորանում չորս թերևս հաւասար երկայնութեան են, և նշանը կանգնում է վերուղիդ՝ մի ոտի վրայ և ոչ թէ երկուսի, որպէս Անդրէասեան խաչը: Գունական խաչը, Դակոտայների մէջ, ներկայացնում է չորս հողմերը՝ որոնք փչում են չորս այրերից, ուր ապրում էին մարդկանց հողիները նախ քան մարդկային անձի մէջ մարմնանալը: Բժիշկ մարդիկ բոլորը—այն է, երգմենոյնները և մոգերը—վեր յիշում են իրենց առաջին երազական կեանքը այնտեղերի մէջ, և ուսմունքն՝ որ ստացել են այնտեղ աստուածներից, ղեկերից և իմաստուններից. նոքա վերյիշում և նկարագրում են իրենց նախագոյակ կեանքը, բայց երազում ու խորհրդածում են միայն դալիք կեանքի մասին գերեզմանից այնդին: Խաչի դազաթը ցրտային, համաշխարհակալ հսկան է, Հիւսիս-Հողմը, բոլորից հզօրեղը: Անձի վրայ նա գլխին ամենամօտ է, իմացականութեան և տիրակալող խորհուրդների բնակավայրին: Ձախ թեր սրտի պահատունն է. դա է Արեւելահողմը, գալիս է կեանքի և սիրոյ բնակատեղից: Ուր՝ հալող, կիզող Հարաւ-Հողմն է, նշանակելով հրատոչոր կրքերի կայանը: Աջ թեր աղնիւ Արեւմտահողմն է, շնչելով ողկկան երկրից, ծածկելով թոքերը, որից վերջապէս շունչը դուրս կը գնայ մեղմօրէն՝ բայց անծանօթ գիշերի ծոցը: Խաչի կեղերնը երկիրս է և մարդը, շարժուած աստուածների և հողմերի հակամարտ ներգործութիւններից:

Վիշապաճանճը (Susbeca).—Հնդիկ տեղերից մի քանիսի, ի միջի այլոց Դակոտայների, մէջ գտնուած է լատին խաչը, այն է վերուղիդ՝ երեք անդամներով, հաւասար երկայնութեան, իսկ չորրորդը, ոտը, փոքր աւելի երկայն: Դորա գործածութիւնը Ամերիկայի գիւտից առաջ է և վերաբերելի է աւանդութեանը և զբոյցներին: Այդ խաչը նշանակում է վիշապաճանճը, այն է մոծակը: Դա տեղական լեզուով կոչվում է Վուսարէկաճ և մի գերբնական էակ է, որ ունի խօսելու պարզեւ և նախազգում է մարդուն վերահաս վտանգը, լռիկ մերձեցալով նորա ականջին ուղիղ անկիւնով, ասելով՝ «ցի», «ցի», «ցի», «ցի», ձայնարկութիւն՝ որ հաւասար է ասելուն Շնայիր տեւ. անշուշտ գնում ես դէպի կորստաճ. Շնայիր տեւա: «Յի», «ցի», «ցի»: Վիշապաճանճի որպէս խորհրդաւոր և գերբնական էակ ընդունուելը վերագրելի է նորա յանկարծ երևալուն մեծ թուով: Երեկոյի լուսութեան պահին, երբ խաւարի ստուերներն իջնում են, լսվում է այդ ժամանակ մարդերում մի ձայն, ճպուռի կամ գորտի ձայնին նման, բայց անորոշ և երկարածիգ. առաւօտուն Սուարէկան կրթնապարէ մարգի վրայ: Դա նոցա գալու ձայնն է, բայց որտեղից են վերադառնում, ոչ ոք գիտէ:

Մոկիներն և իրենց նախահայրերը մեծ յարգ են մատուցել վիշապաճանճերին, որովհետև Օմանի կողմից յաճախ նոքա են ուղարկուել րաց անելու աղբրակները, որ խցած է եղել Մուկնդվան, և ուրիշ շատ օգտաշահութիւններ ժողովրդին ընձեռելու համար: Պատանութիւնը, որ զոհուած ու փոխադրուած էր Հօբօ-բօ-ից, երկար ժամանակից յետ վերերևում էր մեծ երաշտի միջոցին, հսկայական վիշապաճանճի կերպարանքով, ածուժ էր անձրևային ամպերը Հօփի-տուռի դաշտերի վրայ, տալով առատարև անձրևներ:

Սվաստիկայի թէ իբրև խորհրդանշան և թէ իբրև զարդանկար և թէ իբրև յուսութք կամ հմայեակ, որպէս աջոգութիւն կամ բախտ բերող, չար աչքից պահող և այլն, գործածութեան մասին աղբերի մէջ, ուրիշ անչափ հետաքրքրական բաներ կան ժողովուած թ. Վիլսօնի յիշեալ տեղեկատուական ժողովածուի մէջ, Դիւցաբանութիւն, կրօնական հայեացքներ, հաւատալիքներ, փիլիսոփայական տեսութիւններ ներկայ և անգրաշխարհի կեանքի մասին, բազմազան տեղեկութիւններ, որոնք առաջնորդելու են աղբերի քաղաքակրթօրէն, ազգակցօրէն կապակցութեան մասին իսկութեան մօտիկ եզրակացութիւններ անելու, իբրև բոլոր շաղտուած մարգարիտներ ասես լինեն ժողովածուի էջերի վրայ: Մի հնազդեական-ազգագրական ճոխ հանդէս, ուր ականաւոր գիտնականները բանասէրի ձեռքից բռնած և Սվաստիկայի ընթացած շաւիղներով շրջեցնելով, զբօսեցնելով շահագրգիռ օգտակարովը, հին աշխարհի գերմարդից մինչև Ամերիկեան հնդկին են տանուժ նորան ու բերում: Ո՛րքան հին անուաններ, որոնց մէջ, Դր. Խմանի ասելով, մարմնացած են հին հաւատներ: Անուններ, որոնք զարթեցնում են խորին հնութիւնից մնացորդ հայի մէջ էլ մի ափշական հետաքրքրութիւն, երբ տեսնում է թէ ինչպէս իւր լեզուից բառեր մերձ են կանգնած աղբերի մէջ Աստուած և հաւատ ներկայացնող անուններին, որպիսի են զորօրինակ Խոզրա, Աթարան, Թոր և այլն, որոնց նշանակութեան կողքին ասես կանգնած լինեն և հայ բառերի նշանակութիւնը:

Ծանօթ.—Այս յօդուածը կազմուած է Հայոց Ազգագրական Ընկերութեան յատուկ խնդրով, որովհետև մեր այս Ընկերութիւնը 'ի նկատ առնելով՝ որ Սվաստիկան գտնուած է Հայաստանում ոչ միայն նախագատմական շրջանում, ինչպէս բացի դը Մորգանի և Շանտրի պեղումներից ցոյց են տալիս և Ե. Լալայեանինը՝ (նկար 9 ընական մեծութեան, բրոնզից) այլ և պատմական շրջանում, ինչպէս Անիի պարիսպների վրայ (նկար 10 և 11, որ առնուած են նկարիչ Ֆէլդպանի ժողովածուից), որոշեց ընդունել այդ՝ իբր Հայոց Ազգագրական Ընկերութեան խորհրդանիշ և կնիք, նախ ընդունելով նրան վերագրուած այջողութեան, երկար կեանքի, չար աչքից պահպանելու յուսութային յատկութիւնը և երկրորդ ինքը վերագրելով նրան անվերջ յառաջադիմութեան արտայայտութիւն՝ քանի որ դա պատկերացում է նաև մի ընդհանուր կեդրոնից ձգուող մարդկային չորս ոտների ձևով, (նկար 2) որոնք անվերջ կարող են դառնալ և յառաջադիմել: